



INSURANCE AGENCY OF
BOSNIA AND HERZEGOVINA

06.04.2023. god ulaz
for

Broj: VF-02-JU-2-01-212
Sarajevo, 06-04-2023

Na osnovu člana 14. stav (2) tačka c) Zakona o slobodi pristupa informacijama u Bosni i Hercegovini („Službeni glasnik BiH“, br. 28/00, 45/06, 102/09, 62/11 i 100/13), tačke 6.7. Vodiča Agencije za osiguranje u Bosni i Hercegovini za podnosiocе zahtjeva u smislu Zakona o slobodi pristupa informacijama u Bosni i Hercegovini br. 02.1-02.4-657-1/13 od 26.12.2013. godine i člana 8. Pravilnika o unutrašnjoj organizaciji Agencije za osiguranje u Bosni i Hercegovini br. 01.1-02-1/06 od 12.10.2006. godine i br. 02.3-02-2-239-1/15 od 05.08.2015. godine, postupajući po Zahtjevu za slobodan pristup informacijama od 27.03.2023. godine, podnosioca advokata Drage Reljića iz Tuzle, po punomoći Ilije Jurkića, zaprimljenog u Agenciji za osiguranje u Bosni i Hercegovini dana 30.03.2023. godine, direktorica Agencije za osiguranje u Bosni i Hercegovini *donosi*

RJEŠENJE

1. Odobrava se pristup informacijama podnosiocu zahtjeva advokatu Dragi Reljiću, Valtera Perića 2, Tuzla, po punomoći Ilije Jurkića, zaprimljenog u Agenciji za osiguranje u Bosni i Hercegovini dana 30.03.2023. godine.
2. Informacije tražene Zahtjevom za pristup informacijama, za koje je odobren pristup, dostavljaju se podnosiocu zahtjeva uz ovo Rješenje.
3. Rješenje stupa na snagu danom donošenja.

Obrazloženje

U skladu sa članom 13. stav (1) Zakona o slobodi pristupa informacijama u Bosni i Hercegovini, advokat Drago Reljić iz Tuzle, po punomoći Ilije Jurkića, je aktom od 27.03.2023. godine Agenciji za osiguranje u Bosni i Hercegovini (u daljnjem tekstu: Agencija), kao nadležnom javnom organu, dana 30.03.2023. godine dostavio na postupanje Zahtjev za pristup informacijama. Zahtjevom za pristup informacijama se traži od Agencije pristup sljedećim informacijama:

- „Da li je ikada izvršen diobni bilans d.d. „DUNAV“ i Glavne filijale III Sarajevo, odnosno da li postoji pravni sljednik ZOIL „DUNAV“ BEOGRAD, OSNOVNA ZAJEDNICA RIZIKA SARAJEVO, i ko je pravni sljednik, kako bi se mogao nastaviti postupak pred Općinskim sudom u Tuzli, a radi naknade štete.“

Postupajući po predmetnom zahtjevu, konstatovano je da tražene informacije ne predstavljaju izuzetak od objavljivanja kako je to propisano u čl. 6., 7. i 8. Zakona o slobodi

pristupa informacijama u Bosni i Hercegovini, te se u cjelosti može odobriti pristup istim. Informacije tražene Zahtjevom za pristup informacijama se prilažu uz ovo Rješenje.

Uzimajući u obzir opisano činjenično stanje odlučeno je kao u dispozitivu Rješenja.

POUKA O PRAVNOM LIJEKU:

Protiv ovog Rješenja može se izjaviti žalba predsjedavajućem Žalbenog vijeća pri Vijeću ministara Bosne i Hercegovine, u roku od 15 dana od njegovog prijema. Stranka se može obratiti i Instituciji ombudsmena za ljudska prava Bosne i Hercegovine.

Prilog: kao u tekstu - 1x

Dostaviti:

- podnosiocu zahtjeva advokatu Dragi Reljiću
- a/a





06.04.2023. 2023/421-000000
bdr

INSURANCE AGENCY OF
BOSNIA AND HERZEGOVINA

Broj: VP-02-34-2023/2
Sarajevo, 06.04.2023.

Advokat
Drago Reljić
Valtera Perića 2
Tuzla

PREDMET: Zahtjev za pristup informacijama, informacija - dostavlja se
VEZA: Vaš akt od 27.03.2023. godine

Poštovani,

Agenciji za osiguranje u Bosni i Hercegovini (u daljnjem tekstu: Agencija) je dana 30.03.2023. godine, dostavljen Vaš Zahtjev datuma veze, kojim u svojstvu opunomoćenika Ilije Jurkića, u skladu sa Zakonom o slobodi pristupa informacijama u Bosni i Hercegovini („Službeni glasnik BiH“, br. 28/00, 45/06, 102/09, 61/11 i 100/13), tražite informacije, kako slijedi:

- „Da li je ikada izvršen diobni bilans d.d. „DUNAV“ i Glavne filijale III Sarajevo, odnosno da li postoji pravni sljednik ZOIL „DUNAV“ BEOGRAD, OSNOVNA ZAJEDNICA RIZIKA SARAJEVO, i ko je pravni sljednik, kako bi se mogao nastaviti postupak pred Općinskim sudom u Tuzli, a radi naknade štete.“

Agencija je samostalna upravna organizacija osnovana Zakonom o Agenciji za osiguranje u Bosni i Hercegovini („Službeni glasnik BiH“, broj 12/04). U skladu sa navedenim Zakonom, nadležnost ove Agencije je da obezbijedi jedinstvenu primjenu zakona o osiguranju između entiteta, da zakonodavstvo o osiguranju, koje je na snazi u entitetima, u potpunosti bude usaglašeno u namjeri da osigura jednak i ravnopravan odnos prema svim društvima za osiguranje u oba entiteta i Brčko Distriktu Bosne i Hercegovine i da osigura jednaku pravnu zaštitu kako za ugovorače osiguranja, tako i za treću stranu – podnosiocce odštetnih zahtjeva na teritoriji Bosne i Hercegovine, usklađivanje zakonodavstva o osiguranju sa zakonodavstvom Evropske unije, rješavanje sporova između entitetskih agencija, međunarodni odnosi u oblasti osiguranja i vođenje svih relevantnih podataka o cjelokupnom tržištu osiguranja u Bosni i Hercegovini.

Shodno navedenim nadležnostima, Agencija ne raspolaže sa traženim informacijama.

U prilogu ovog dopisa Vam dostavljamo Rješenje Agencije kojim se odobrava pristup traženim informacijama.

S poštovanjem,

Prilog: kao u tekstu - 1x

Dostaviti:

- podnosiocu zahtjeva
advokatu Dragi Reljiću
- a/a

